

**PEMBERITAHUAN PERTANYAAN DEWAN RAKYAT**

PERTANYAAN: BERTULIS

DARIPADA: Y.B. DATUK DR. MAKIN @ MARCUS MOJIGOH

SOALAN:

**Datuk Dr. Makin @ Marcus Mojigoh [ Putatan ]** minta **MENTERI SUMBER MANUSIA** menyatakan:-

- (a) berapakah ramaikah tenaga buruh asing serta pecahan mengikut negara asal mereka, yang kini bekerja dalam sektor perladangan di Malaysia; dan
- (b) apakah kekangan yang dihadapi oleh pihak Kementerian bagi mengisi kekosongan tenaga buruh dalam sektor ini dengan tenaga buruh tempatan dan apakah tindakan pihak Kementerian bagi mengatasi masalah "syarat ketat" yang dikatakan oleh pemain industri dalam mengambil tenaga buruh asing.

PR-1323-T63489

**JAWAPAN:**

Tuan Yang Dipertua,

1. Berdasarkan rekod daripada Jabatan Imigresen Malaysia (JIM), jumlah pekerja asing yang sah bagi sektor perladangan sehingga 14 September 2014 adalah seramai **312,870 orang**. Pecahan mengikut negara asal adalah seperti di jadual 1:

**Jadual 1 : Statistik PIks Aktif Sektor Perladangan Sehingga 14 September 2014**

<b>WARGANEGARA</b>	<b>PERLADANGAN</b>
BANGLADESH	18,107
CAMBODIA	344
CHINA	47
INDIA	21,407
INDONESIA	247,804
LAOS	2
MYANMAR	3,252
NEPAL	7,284
PAKISTAN	8,004
FILIPINA	4,897
SRI LANKA	391
THAILAND	660
VIETNAM	121
LAIN - LAIN	550
<b>JUMLAH</b>	<b>312,870</b>

Sumber: Jabatan Imigresen Malaysia (JIM)

Tuan Yang Di Pertua,

2. Sektor perladangan adalah merupakan sektor pekerjaan yang berorientasikan buruh dan jenis pekerjaan di sektor ini melibatkan pekerjaan asas yang sukar dan menggunakan kudrat. Peningkatan taraf pendidikan rakyat khususnya orang muda telah menyebabkan mereka cenderung berhijrah ke bandar-bandar besar untuk bekerja di dalam bidang pekerjaan yang lebih kondusif.

3. Kerajaan tidak menghalang pengambilan pekerja asing untuk mengisi kekosongan pekerjaan di sektor perladangan. Namun begitu, bagi menjamin pengambilan pekerja asing yang terurus dan terkawal maka terdapat syarat-syarat perlu dipatuhi oleh majikan berdasarkan kepada undang-undang berkaitan.

4. Pengeluaran surat *JobsMalaysia* diberi kepada majikan yang memohon pekerja asing di sektor perladangan yang benar-benar layak. Sehubungan itu, dasar pengambilan pekerja asing ini adalah selaras dengan keputusan Jawatankuasa Kabinet Pengambilan Pekerja Asing – Pendatang Asing Tanpa Izin (JKKPA-PATI) yang dipengerusikan oleh YAB Timbalan Perdana Menteri Malaysia.